

SPOSOBNOST PREUZIMANJA OBAVEZA IZ ČLANSTVA – POGLAVLJA ACQUIS-a

POGLAVLJE 1: SLOBODNO KRETANJE ROBE

Opšti princip slobodnog kretanja robe podrazumijeva da se mora obavljati slobodna trgovina proizvodima iz bilo kog dijela Evropske unije u svim drugim dijelovima. Ovaj princip je ugrađen u Ugovor o funkcionisanju Evropske unije, u članove 34.-36., član 114. stav 4.-9. i članove 346.-348., tumačene u skladu sa sudskom praksom Suda Evropske unije. Kvantitativne restrikcije i mjere koje imaju dejstvo ekvivalentno kvantitativnom ograničavanju su zabranjene uz ograničeni i restriktivni skup izuzetaka. To posebno podrazumijeva uklanjanje tehničkih barijera u trgovini i usklađenost sa principom uzajamnog priznavanja. Trebalo bi primijeniti odgovarajuće administrativne aranžmane radi sprovođenja Uredbe (EZ) 764/2008 Evropskog parlamenta i Vijeća od 9. jula 2008. godine, kojom se propisuju postupci primjene određenih nacionalnih tehničkih pravila za proizvode koji se zakonito stavljaju na tržište u drugoj državi članici i kojom se ukidaju Odluka 3052/95/EZ i Uredba (EZ) 2679/98. Postupak obavještanja u oblasti tehničkih standarda i propisa je utvrđen u Direktivi (EU) 2015/1535, a odredbe o kontroli vanjskih granica su sadržane u Uredbi (EZ) 765/2008. Da bi se oni propisno primijenili potrebni su odgovarajući administrativni kapaciteti.

U određenom broju sektora opšti princip je dopunjen usklađenim pravnim okvirom. **Horizontalne mjere** definišu kvalitet infrastrukture koji bi države članice trebalo da primijene u oblastima kao što su standardizacija, ocjena usklađenosti, akreditacija, metrologija i nadzor nad tržištem.

Usklađeno evropsko zakonodavstvo o proizvodima koje je potrebno primijeniti u svakoj od država članica, čini najveći dio *acquis*-a EU u okviru ovog poglavlja. Ono se zasniva na „starom pristupu“ (koji zahtijeva precizne specifikacije proizvoda) ili na „novom i globalnom pristupu“ (koji postavlja opšte uslove za proizvode). Novi zakonodavni okvir (Odluka 768/2008/EZ Evropskog parlamenta i Vijeća od 9. jula 2008. godine o zajedničkom okviru za stavljanje na tržište proizvoda i ukidanje Odluke Vijeća 93/465/EEZ, zajedno sa Uredbom (EZ) 765/2008 Evropskog parlamenta i Vijeća od 9. jula 2008. godine kojom se određuju uslovi za akreditaciju i nadzor nad tržištem u vezi sa stavljanjem proizvoda na tržište i ukidanje Uredbe (EEZ) 339/93) predstavlja reviziju novog pristupa i propisuje opšta pravila za stavljanje proizvoda na tržište.

Stari pristup zakonodavstvu koje se odnosi na proizvode obuhvata oblasti motornih vozila, ispuštanja gasovitih zagađivača i zagađujućih čestica iz vancestovnih pokretnih mašina, hemikalija (REACH), hemijskog označavanja, dobre laboratorijske prakse, zakonskog mjeriteljstva, pretpakovanja, deterdženata i đubriva.

Novi i globalni pristup zakonodavstvu koje se odnosi na proizvode obuhvata oblasti neautomatskih vaga i mjernih instrumenata, niskonaponske opreme (LVD), elektromagnetne kompatibilnosti (EMC), igračaka, mašina, liftova, emisije buke uzrokovane opremom za upotrebu na otvorenom, lične zaštitne opreme (PPE), opreme i zaštitnih sistema za upotrebu u potencijalno eksplozivnim atmosferama (ATEX), pirotehničkih sredstava, eksploziva za civilnu upotrebu, medicinskih sredstava, gasnih uređaja, opreme pod pritiskom, jednostavnih sudova pod pritiskom, žičara, građevinskih proizvoda, plovila namijenjenih rekreaciji, zahtijeva eko-dizajna kod proizvoda koji koriste energiju, aerosolnih raspršivača i radio i telekomunikacione terminalne opreme (RED). Najveći dio tog zakonodavstva preuzima relevantnu odredbu Odluke 768/2008/EZ.

Niz **proceduralnih mjera** takođe zahtijeva dovoljan administrativni kapacitet da bi se mogle

pravilno primjenjivati. To obuhvata Direktivu 91/477/EEZ o kontroli nabavke i posjedovanja oružja i Direktivu 2014/60/EU o kulturnim dobrima, Direktivu 69/493/EEZ o kristalnom staklu, Direktivu 2009/43/EEZ o odbrambenim proizvodima i nabavci za odbranu, Direktivu & 2009/81/EZ o obući, Direktivu 94/11/EZ o označavanju materijala i Uredbu 1007/2011 o određivanju cijena lijekova.

Sporazum o stabilizaciji i pridruživanju je već definisao određene obaveze u oblastima navedenim u ovom poglavlju. Prilikom pružanja odgovora na postavljena pitanja, navedite u kojoj je fazi provođenje ovih obaveza.

I. OPŠTI PRINCIPI

Ova pitanja su opšte prirode i ne odnose se na industrijske sektore navedene u Poglavlju 20.

A. Pravno usklađivanje

1. Na koji način organi vlasti Bosne i Hercegovine obezbjeđuju potpuno funkcionisanje jedinstvenog ekonomskog prostora u čitavoj zemlji? Da li još uvijek postoje bilo kakve pravne, tehničke ili administrativne prepreke slobodnom kretanju robe unutar zemlje? Objasnite.
2. Koji je pravni osnov za tehničke propise, standarde, ocjenjivanje usklađenosti, akreditaciju, certifikaciju, mjeriteljstvo i nadzor nad tržištem?
3. U kojoj se mjeri zakonodavstvo BiH približilo principima koji se primjenjuju u usklađenom evropskom zakonodavstvu, npr. minimalni standardi, nepostojanje obaveznih standarda, samocertifikacija i pretpostavka usklađenosti?
4. Da li postoji strategija o infrastrukturi kvaliteta?
5. Navedite koje su važeće mjere koje zahtijevaju uvozne dozvole za uvezenu robu ili druge vrste dozvola za robu porijeklom iz zemlje.
6. Na koji način se osigurava primjena pravila o uvozu robe u čitavoj zemlji?
7. Objasnite kako je princip samocertifikacije riješen u vašem zakonodavstvu.
8. Da li su poduzeti koraci da bi se osiguralo da zakonodavstvo i administrativne prakse budu u skladu sa članovima 34.-36. Ugovora o funkcionisanju Evropske unije i odgovarajućom sudskom praksom Evropskog suda, kao što su plan ili strategija kojima bi se osigurala usklađenost?
9. Da li se zakonodavstvo usklađuje za zakonodavstvom starog i novog pristupa EU na jedinstven način u cijeloj zemlji?

B. Provedbeni kapaciteti, uključujući i administrativne kapacitete

10. Kako se definiše raspodjela nadležnosti između različitih nivoa vlasti u ovoj oblasti politike?
11. Navedite koje su institucije javne uprave nadležne u pogledu standardizacije, mjeriteljstva, akreditacije, ocjene usklađenosti i nadzora nad tržištem.
12. Kako su te funkcije organizovane, kako se sprovode i koordiniraju?
13. Da li nadležna ministarstva i tehničke organizacije imaju dovoljan broj adekvatno obučenog osoblja za bavljenje tehničkim aspektima izrade propisa i obezbjeđivanje odgovarajuće koordinacije i sprovođenje zakona? Precizirajte.

14. Detaljno navedite dostupna sredstva i sisteme koji doprinose razradi i sprovođenju zakona.

II. HORIZONTALNE MJERE

Ova pitanja su opšte prirode i ne odnose se na industrijske sektore navedene u Poglavlju 20.

15. Koje je sporazume o uzajamnom priznavanju ili saradnji u oblasti standarda, ispitivanja, certifikacije i ocjenjivanja usklađenosti, potpisala Bosna i Hercegovina? Da li takvi ugovori kao osnovu koriste međunarodne standarde? Dostavite prevode relevantnih sporazuma.

A. Standardizacija

16. Da li Bosna i Hercegovina ima uspostavljen sistem standardizacije i nezavisno tijelo za standardizaciju? Da li je Institut za standardizaciju sposoban da sprovodi evropske i međunarodne standarde? Da li je Institut za standardizaciju izvršio procjenu potreba za investicijama i stručnim tehničkim znanjima neophodnim za učestvovanje u evropskom sistemu standarda? Objasnite.
17. Da li broj uposlenih i finansiranje Instituta za standardizaciju odgovaraju potrebama? Navedite brožčane vrijednosti.
17. Koliko vaših standarda je u potpunosti usklađeno sa evropskim standardima (navedite posebno procenete za CEN, CENELEC i ETSI standarde)? Koliko tih standarda je usvojeno metodom "naslovne stranice"?
18. Navedite da li je Institut za standardizaciju član (ili radi na tome da postane član) neke od evropskih ili međunarodnih organizacija za standardizaciju (CEN, CENELEC, ETSI, i druge). Da li postoji vremenski okvir za postizanje punopravnog članstva u CEN-u i CENELEC-u? Kakav je vaš odnos sa međunarodnim (IEC i ISO) tijelima za standardizaciju?
19. Postoji li registar važećih tehničkih propisa u Bosni i Hercegovini?
20. Koliko standarda u državi nije u skladu sa evropskim standardima? Da li je Institut za standardizaciju počeo povlačiti državne standarde koji nisu u skladu sa evropskim standardima? Postoji li akcioni plan i vremenski okvir za završetak procesa povlačenja standarda?
21. Na koji način Institut za standardizaciju vrši koordinaciju sa nadležnim ministarstvima?

B. Ocjena usklađenosti

22. Da li Bosna i Hercegovina ima sistem ocjenjivanja usklađenosti? Opišite zakonski okvir (zakone, podzakonske akte itd.) za ocjenjivanje usklađenosti i dostavite izvještaj o trenutnom stanju primjene.
23. Da li su postupci ocjenjivanja usklađenosti u skladu sa Odlukom 768/2008/EZ o zajedničkom okviru za stavljanje proizvoda na tržište?
24. Na koji način se osigurava da se postupci ocjenjivanja usklađenosti primjenjuju na jedinstven način u čitavoj zemlji?

25. Da li se zakonodavstvo približilo principima koji se primjenjuju u usklađenom evropskom zakonodavstvu, npr. minimalni standardi, nepostojanje obaveznih standarda, samocertifikacija i pretpostavka usklađenosti?
26. Da li se priznaju inostrani izvještaji o ispitivanju? Ako je odgovor da, pod kojim uslovima?
27. Ko je odgovoran za imenovanje tijela za ocjenjivanje usklađenosti i da li su kriteriji za provjeru njihove kompetencije definisani u sektorskom zakonodavstvu? Da li se pri tome koriste ISO standardi ? Ako se koriste, koji su to standardi?
28. Koliko je tijela za ocjenjivanje usklađenosti trenutno aktivno u vašoj zemlji za svaku od preuzetih direktiva EU?
29. Da li je uspostavljen informativni centar za obavještenja o tehničkim propisima? Da li on već funkcioniše? Sa kakvim materijalnim i ljudskim resursima raspolaže?
30. Da li je dati informativni centar ovlašten da kontaktira sve nadležne organe/tijela koja sačinjavaju tehničke propise, da ih podsjeti na obavezu da u fazi izrade nacrtu obavještavaju o tim propisima i obezbijede dalje obavještavanje za svaki propis?
31. Da li je informativni centar uspostavio mrežu kontakata između ekonomskih subjekata kojima se dostavljaju ta obavještenja, kako bi se osiguralo da se uspostavi sistem hitnih upozorenja ili njegov ekvivalent.
32. Da li je uspostavljen registar tehničkih propisa?
33. Koliko, i koji tehnički propisi su usvojeni/registrovani do sada?
34. Opišite vaš sistem označavanja i prognoze za uvođenje znaka CE.
35. Da li u zakonodavstvu postoji zaštitna klauzula koja predviđa povlačenje proizvoda koji su usklađeni sa propisima, a za koje se ipak otkrilo da ugrožavaju zdravlje i sigurnost?
36. Opišite kako vaše zakonodavstvo definiše odgovornosti proizvođača i uvoznika, kao i opštu odgovornost proizvođača za proizvod?

C. Akreditacija

37. Da li Bosna i Hercegovina ima sistem akreditacije i akreditaciono tijelo? Da li je sistem akreditacije usklađen sa Uredbom (EZ) 765/2008 o utvrđivanju zahtjeva za akreditaciju i za nadzor tržišta u odnosu na stavljanje proizvoda na tržište? Opišite zakonski okvir (zakone, podzakonske akte itd.) za akreditaciju i dajte izvještaj o trenutnom stanju primjene.
38. Da li akreditaciono tijelo ispunjava zahtjeve Uredbe (EZ) 765/2008? Da li je nezavisno? Da li je nekomercijalno? Da li ima pun opseg tehničke i kadrovske osposobljenosti neophodne za akreditaciju certifikacionih tijela u skladu sa evropskim sistemom?
39. Da li ima sklopljene sporazume sa evropskim ili drugim međunarodnim organizacijama?
40. Da li je član ili ulaže napore u pravcu ostvarivanja članstva u nekoj od tih organizacija?
41. Koliko tijela za ocjenjivanje usklađenosti je do sada akreditovano i koliko njih je podnijelo zahtjev za akreditaciju?
42. Postoji li državni plan za akreditaciju tijela za ocjenjivanje usklađenosti i da li se on primjenjuje?

D. Mjeriteljstvo

43. Da li Bosna i Hercegovina ima sistem mjeriteljstva i tijelo za mjeriteljstvo? Da li tijelo za mjeriteljstvo ima odgovarajući kadar i opremu? Da li se naučno mjeriteljstvo i zakonsko mjeriteljstvo tretiraju različito? Na koji način su osigurane saradnja i koordinacija?
44. Da li postoji državni program za razvoj strukture mjeriteljstva? Dostavite detalje.
45. Na koji način je obezbjeđena sljedivost međunarodnih etalona?

E. Nadzor nad tržištem

46. Da li Bosna i Hercegovina ima sistem nadzora nad tržištem i agenciju za nadzor nad tržištem?
47. Kako vaša zemlja osigurava da proizvodi na tržištu u cijeloj zemlji ispunjavaju zahtjeve standarda? Kao alternativa, da li postoji pouzdan i standardizovan sistem autorizacije prije stavljanja na tržište?
48. Na koji način je obezbjeđena nezavisnost i nepristrasnost organa za nadzor nad tržištem?
49. Koja su to raspoloživa sredstva, infrastruktura (npr. upozoravanje korisnika, praćenje reklamacija/nezgoda, itd) i opšti principi (npr. procjena rizika) koji omogućavaju preduzimanje odgovarajućih korektivnih mjera? Koje kazne slijede za kršenje? Koja istražna i provedbena ovlaštenja postoje za nadzor nad tržištem?
50. Da li agencija za nadzor nad tržištem ima odgovarajući kadar i opremu? Da li su administrativni kapaciteti (ljudski i finansijski resursi, oprema, ovlaštenja) dovoljni da osiguraju adekvatan nivo kontrole?
51. Da li Bosna i Hercegovina ima državni program za nadzor nad tržištem? Postoje li planovi za kontrole i inspekcije sačinjeni po sektorima ili područjima? Opišite politiku sprovođenja i detaljno objasnite na koji način se biraju prioriteta i kako se određuje koje kontrole će se vršiti. Dostavite statističke podatke o kontrolama i njihovim rezultatima za prethodnu godinu.
52. Koliko često se obavljaju ispitivanja? Dostavite statističke podatke za prethodnu godinu.
53. Na koji način je obezbjeđena koordinacija između sektora? Na koji način se vrši koordinacija nadzora nad tržištem između organa za nadzor nad tržištem i carinskih organa u pogledu kontrole usklađenosti proizvoda i provjere sigurnosti proizvoda na spoljnim granicama?
54. Opišite na koji način se osigurava saradnja između agencije za nadzor nad tržištem i tržišnih inspektorata.
55. Objasnite na koji način je osigurana koordinacija između sektora proizvoda i između organa za nadzor nad tržištem i carinskih organa.
56. Kakvi su planovi za usklađivanje zakonodavstva sa Uredbom (EZ) 765/2008?

III. ZAKONODAVSTVO STAROG PRISTUPA KOJE SE ODNOSI NA PROIZVODE

A. Usklađivanje zakonodavstva uključujući tehničke propise

57. Dostavite informacije koje se odnose na:

- a) Trenutni status, uključujući i opis sistema za odobrenje tipa za svaki od podsektora navedenih u nastavku;
- b) Predviđanje (datum usvajanja i primjene direktiva i uredbi EU).

B. Kalibracija, standardi, ispitivanje, certifikacija, ocjenjivanje usklađenosti, akreditacija i nadzor nad tržištem

58. Dostavite podatke o relevantnim režimima za proizvode:

- a) Kratak opis i
- b) Dalji razvoj.

Odgovori na ova dva pitanja bi trebali obuhvatiti sljedeće sektore i podsektore:

- a) Motorna vozila (uključujući vozila sa 2 i 3 točka i traktore)
- b) Emisije gasnih zagađivača i zagađujućih čestica od vancestovnih pokretnih mašina
- c) Hemikalije
 - i. Ograničavanje, razvrstavanje, pakovanje i označavanje (REACH, CLP)
 - ii. Deterdženti
 - iii. Đubriva
 - iv. Prekursori droga
 - v. Pirotehnička sredstva (Direktiva novog pristupa)
 - vi. Dobra laboratorijska praksa (GLP)
- d) Zakonsko mjeriteljstvo, pretpakovanje i mjerne jedinice (Direktiva starog pristupa)
- e) Aerosolni raspršivači (ADD)

IV. ZAKONODAVSTVO NOVOG I GLOBALNOG PRISTUPA KOJE SE ODNOSI NA PROIZVODE

A. Usklađivanje zakonodavstva uključujući tehničke propise

59. Dostavite informacije koje se odnose na:

- a) trenutni status, uključujući i opis postupaka ocjenjivanja usklađenosti za svaki od podsektora navedenih u nastavku
- b) predviđanje (datum usvajanja i primjene direktiva EU).

B. Kalibracija, standardi, ispitivanje, certifikacija, ocjenjivanje usklađenosti, akreditacija i nadzor nad tržištem

60. Molimo vas da pružite podatke o relevantnim režimima za proizvode:

- a) kratak opis i
- b) dalji razvoj.

Odgovori na ova dva pitanja bi trebali obuhvatiti sljedeće sektore i podsektore:

- a) Građevinski proizvodi
- b) Liftovi

- c) Mašine
- d) Žičare
- e) Lična zaštitna oprema (PPE)
- f) Elektromagnetna kompatibilnost
- g) Niski napon (LVD)
- h) Radio i telekomunikacijska oprema (R&TTE)
- i) Gasni aparati (GAD)
- j) Oprema za upotrebu u potencijalno eksplozivnim atmosferama (ATEX)
- k) Oprema pod pritiskom (PED)
- l) Jednostavne posude pod pritiskom (SPVD)
- m) Emisija buke uzrokovana opremom za upotrebu na otvorenom
- n) Rekreativna plovila
- o) Eksplozivi za civilnu upotrebu
- p) Pirotehnička sredstva
- q) Igračke
- r) Eko-dizajn
- s) Označavanje potrošnje energije
- t) Mjerni instrumenti
- u) Neautomatske vage
- v) Medicinska sredstva

61. Da li je uspostavljen sistem za praćenje građevinskih proizvoda? Ukoliko jeste, da li postoji strategija za dalje približavanje zakonodavstvu EU? Na koji način su zainteresovane strane i glavni učesnici (proizvođači, laboratorije za ispitivanje, državna tijela) uključeni u proces i informisani?

V. PROCEDURALNE MJERE

A. Mjere koje imaju jednak učinak kvantitativnim restrikcijama

62. Da li postoje mjere u okviru zakona ili drugih propisa koje su usvojene na bilo kom nivou, a odnose se na proizvodnju, distribuciju i trgovinu prehrambenim ili industrijskim proizvodima porijeklom iz inostranstva ili drugih dijelova zemlje:
- a) koje se odnose na cijenu takvih proizvoda (npr. određivanje cijena iznad ili ispod kojih je uvoz ili stavljanje na tržište proizvoda zabranjen ili ograničen, utvrđivanje marži dobiti ili drugih komponenti cijene, itd)?
 - b) Koje mjere zahtijevaju izdavanje automatskih ili neautomatskih uvoznih licenci ili dozvola za uvezenu robu (npr. dozvola za uvoz automobila)?
 - c) Koje mjere zabranjuju stavljanje određenih proizvoda na tržište (prehrambeni proizvodi, uključujući vitamine i druge dodatke ishrani, kao i hemijske supstance)?
 - d) Koje mjere ograničavaju ili zabranjuju prodaju na daljinu (naručivanje putem pošte, internet prodaja) određenih proizvoda (farmaceutskih proizvoda, alkoholnih pića i drugih)?
 - e) Koje mjere uslovljavaju pristup domaćem tržištu postojanjem zastupnika ili predstavnika na teritoriji Bosne i Hercegovine (npr. zakonodavstvo koje predviđa da je prodaja određenih vrsta roba uslovljena dobijanjem dozvole koju može da pribavi samo lice sa poslovnim nastanom u vašoj zemlji)?
 - f) Koje mjere obavezuju uvoznike da raspolažu skladišnim kapacitetima na teritoriji Bosne i Hercegovine (npr. zakonodavstvo koje se primjenjuje samo na uvezenu robu, koje zahtjeva da se ta uvezena roba skladišti određeno vrijeme prije stavljanja u na tržište)?

- g) Koje mjere propisuju uslove za stavljanje uvoznih proizvoda na tržište (uslovi koji se naročito odnose na oblik, veličinu, težinu, sastav, izgled, prepoznavanje i pakovanje, označavanje), a koji se razlikuju od uslova koji važe za domaće proizvode ili kod kojih se zahtjeva ili podstiče upotreba određenog tipa ambalaže (oblika, veličine, sastava) pri stavljanju na tržište određenog proizvoda, bez obzira da li je domaći ili uvozni (npr. zahtjev da se određena roba prodaje samo u ambalaži određenog oblika)?
 - h) Koje mjere obavezuju privredne subjekte da označe svoj proizvod oznakom: „Proizvedeno u...“ (obavezno označavanje porijekla)?
 - i) Kojim mjerama se podstiče ili odobrava kupovina (od strane pojedinaca ili organa vlasti) jedino domaćih proizvoda ili se u reklamnim kampanjama daje prednost kupovini tih proizvoda (npr. promotivne akcije uz učešće državnih organa koje se odnose samo na robu koju su proizveli proizvođači u Bosni i Hercegovini ili od domaćih sirovina)?
 - j) Koje mjere, samo za uvozne proizvode, u potpunosti ili djelimično, isključuju mogućnost korišćenja domaćih objekata ili opreme ili kojim mjerama se rezerviše mogućnost upotrebe objekata ili opreme, u potpunosti ili djelimično, samo za domaće proizvode?
 - k) Koje mjere za uvezene proizvode propisuju kontrole koje se razlikuju od onih koje su svojstvene proceduri carinjenja, a koje se ne vrše kod domaćih proizvoda (npr. veterinarske, sanitarne, fitosanitarne i druge kontrole)?
 - l) Koje mjere dozvoljavaju samo trgovcima koji posjeduju dozvolu za proizvodnju ili dozvolu za veleprodaju da uvoze određenu vrste robe (npr. sistem izdavanja dozvola za proizvodnju i veleprodaju određenih vrsta robe, koji omogućava samo vlasniku dozvole da uvozi tu vrstu robe)?
 - m) Koje mjere stvaraju monopole na prodaju određene robe (npr. duhanskih proizvoda, alkoholnih pića, i sl.)?
 - n) Koje mjere rezervišu određene komercijalne nazive samo za domaće proizvode i, ako je to slučaj, pod kojim uslovima (npr. pravila kojima se korišćenje određenog opisa rezerviše za proizvode pripremljene u Bosni i Hercegovini od domaćih sirovina)?
63. Da li imate podatke o tome koliko puta su vaše vlasti intervenisale da bi zabranile stavljanje na tržište proizvoda ili povukle proizvod sa tržišta iz bilo kog razloga tokom prethodne dvije godine, npr. zbog rizika po zdravlje, nepotpunog označavanja proizvoda, neadekvatnih informacija za potrošače, neispunjavanja obaveznih standarda itd.?
64. Koja opšta pravila za neprehrambene proizvode se primjenjuju u Bosni i Hercegovini? Na primjer, da li je dozvoljeno stavljanje na tržište proizvoda sa oznakom i uputstvima na stranom jeziku? Koje pojedinosti moraju biti navedene na oznaci svakog industrijskog proizvoda namijenjenog za prodaju potrošačima?

B. Povrat nezakonito iznesenih kulturnih dobara

- 65. Da li postoje zakonski propisi za povrat kulturnih dobara nezakonito iznesenih sa teritorije neke od država članica EU?
- 66. Koje zakonske odredbe obezbjeđuju povrat kulturnih dobara u Bosnu i Hercegovinu?
- 67. Ukoliko takvi propisi postoje, koje kategorije kulturnih dobara oni pokrivaju?
- 68. Koji je organ vlasti, ukoliko postoji, odgovoran za povrat kulturnih dobara?
- 69. Da li imate planove za izmjenu postojećeg zakonodavstva? Dostavite detalje i raspored aktivnosti.

C. Kontrola nabavke i posjedovanja oružja

70. Postoji li zakonodavstvo koje propisuje kontrolu nabavke i posjedovanja oružja? Objasnite i dajte kratak pregled.
71. Postoji li zakonodavstvo koje propisuje kategorije vatrenog oružja čija je nabavka i posjedovanje od strane privatnih lica zabranjena ili zahtjeva prethodno izdavanje odobrenja ili potvrde?
72. Ako se zakonodavstvo primjenjuje:
 - a) Koje kategorije vatrenog oružja obuhvata? Da li postoji razlika između „civilnog“ i „vojnog“ vatrenog oružja?
 - b) Koji uslovi moraju da budu ispunjeni da bi se dobilo odobrenje?
 - c) Koja vrsta podataka mora da bude navedena u potvrdi?
73. Da li postoje posebna pravila za kolekcionare i institucije koje se bave kulturnim i istorijskim aspektima oružja? Ako postoje, da li ti kolekcionari i institucije moraju da budu priznati od strane lokalnih vlasti?
74. Da li zakonodavstvo, ako postoji, isključuje iz svog područja primjene oružje i municiju koji se koriste za lov i streljaštvo? Ako je to slučaj, koja pravila se primjenjuju?
75. Da li imate planove za izmjenu postojećeg zakonodavstva? Dostavite detalje i raspored aktivnosti.
76. Da li postoji opšta obaveza obilježavanja vatrenog oružja tokom procesa proizvodnje? Koje vrste obilježavanja primjenjujete?
77. Postoji li obaveza da se vodi evidencija o prenosu vlasništva vatrenog oružja nakon proizvodnje ili prodaje? Ko ima tu obavezu (država, dobavljači)? Tokom koliko godina?
78. Na koji način se oružje testira tokom procesa proizvodnje? Postoje li nadležne državne institucije za testiranje?
79. Koji su glavni uslovi za „deaktiviranje/neutralizaciju“ vatrenog oružja? Koje tehnike se koriste?
80. Da li postoje statistički podaci o legalnim vlasnicima vatrenog oružja (lovci, strijelci, privatne osobe ili privredna društva) u Bosni i Hercegovini? Postoje li evidencije o nezakonitom posjedovanju oružja i planovi za oduzimanje istog?

D. Provjere usklađenosti s pravilima o sigurnosti proizvoda u slučaju proizvoda uvezenih iz trećih zemalja

81. Postoji li zakonodavstvo koje propisuje usklađenost s pravilima o sigurnosti proizvoda u pogledu uvezenih proizvoda? Ako postoji:
 - d) Od kada se primjenjuje?
 - e) Molimo vas da date njegov opšti opis (koja služba je odgovorna za granične kontrole i koordinaciju u pogledu uvezenih proizvoda, koji postupak je propisan itd.?)